

世家云初  
通夫人無子

# 卷四

書名 春秋經傳集解三十卷 慶長中古活字印本  
撰者 晉 杜預 撰  
卷 卷四  
內容分類 經 春秋 春秋左傳 晉  
索書號 貴重- 25  
編號 A 293300

## 春秋經傳集解隱公第一

杜氏 盡十一年

傳

惠公元妃孟子

言元妃明始適孟子卒

孟子卒

不稱

薨

成喪也無諡先

繼室以聲子生隱公

聲

也

孟子之姪娣也諸侯始娶則同姓之國

稱

宋武公生仲子仲子生而有文在

其

為魯夫人故仲子歸于我婦人謂嫁

大

成字有石生桓公而惠公薨言歸魯

彩色首頁1

東洋文化研究所漢籍目錄 編號: A 293300

東洋文化研究所漢籍目錄所藏漢籍善本文影像資料庫 索書號: 貴重- 25


漢籍善本文影像資料庫文本春秋經傳集解三十卷 慶長中古活字印本

版權所有: 東京大學 東洋文化研究所

使用上の注意事項

春秋經傳集解閔公第四

杜氏 盡二年

 經元年春王正月齊人救邢夏六月辛酉葬

我君莊公秋八月公及齊侯盟于落姑齊地

季子來歸季子公子友之字季子忠於社稷為國人所思故賢而字之齊侯許

納故冬齊仲孫來仲孫齊大夫以事出疆因來省難非齊侯命故不稱

使也還使齊侯務寧魯亂故嘉而字之來者事實省難其志也故經但書仲孫之來而傳

尋仲孫之志

**傳**

元年春不書即位亂故也

國亂不狄人伐得成禮

邢

狄伐邢在往年冬

管敬仲言於齊侯曰戎狄豺狼

不可厭也

敬仲管夷吾

諸夏親暱不可弃也

諸夏中國

也暱近也

宴安酖毒不可懷也

以宴安比之酖毒

詩云豈

不懷歸畏此簡書

詩小雅也文王為西伯勞來諸侯之詩

簡書

同惡相恤之謂也

同恤所惡

請救邢以從簡書齊

人救邢夏六月葬莊公亂故是以緩

乃葬十一月

秋六月公及齊侯盟于落姑請復季友也

公閔

初立國家多難以季子忠賢故請霸主而復之

齊侯許之使召諸陳

公次于郎以待之

非師旅之事故不書次

季子來歸嘉

之也冬齊仲孫湫來省難

湫仲孫名

書曰仲孫亦

嘉之也仲孫歸曰不去慶父魯難未已

時慶父亦

魯已還

公曰若之何而去之對曰難不已將自

斃

斃路也

君其待之公曰魯可取乎對曰不可

猶秉周禮周禮所以本也臣聞之國將亡本

必先顛而後枝葉從之魯不弃周禮未可動

也君其務寧魯難而親之親有禮因重固能重

能固則當間攜貳離而相疑者則覆昏亂覆敗

也霸王之器也霸王所用故晉侯作二軍晉本

一軍見莊公將上軍大子申生將下軍趙夙

御戎畢萬為右為公御右也夙趙襄以滅耿

滅霍滅魏平陽皮氏縣東南有耿鄉永安縣東北有霍大山三國皆姬姓還

為太子城曲沃賜趙夙耿賜畢萬魏以為大

夫士為曰太子不得立矣分之都城而位以

卿先為之極又焉得立位以卿謂不如逃之

無使罪至為吳大伯不亦可乎大伯周大王之適子知其

父欲立季歷故猶有令名與其及也言雖去

名勝於留且諺曰心苟無瑕何恤乎無家天

若祚大子其無晉乎焉晉殺卜偃曰畢萬之

後必大卜偃晉掌萬盈數也魏大名也以是

始賞天啓之矣天子曰兆民諸侯曰萬民今

名之大以從盈數其必有衆以魏從萬初畢

萬筮仕於晉遇屯



震下坎上屯

之比



下坤

坎上比屯初九變而為比

辛廖占之曰吉

辛廖晉大夫

屯固比

入吉孰大焉其必蕃昌

屯險難所以為堅固比親密所以得入

震為土

震變為坤

車從馬

震為車坤為馬

足居之

震為足

兄

長之

震為長男

母覆之

坤為母

衆歸之

坤為衆

六體不

易

初一爻變有此六義不可易也

合而能固安而能殺公侯

之卦也

比合屯固坤安震殺故曰公侯之卦

公侯之子孫必復

其始

畢萬公高之後傳為魏之子孫衆多張本

經

二年春王正月齊人遷陽

無傳陽國名蓋齊人偪徙之

夏五月乙酉吉禘于莊公

三年喪畢致新死者之主於廟廟之

遠主當遷入挑因是大祭以審昭穆謂之禘莊公喪制未闋特別立廟廟成而吉祭又不

於太廟故詳書以示譏

秋八月辛丑公薨

實弒書薨又不地者皆史

策諱之

九月夫人姜氏孫于邾

哀姜外淫故孫稱姜氏

公

子慶父出奔莒

弒閔公故

冬齊高子來盟

無傳蓋高侯也

齊侯使來平魯亂僖公新立因遂結盟故不稱使也魯人貴之故不書名子男子之美稱

十有二月狄入衛

書入不能有其地例在襄十三年

鄭弃其

師高克見惡久不得還師潰而克奔陳故克狀其事以告魯也

**傳**二年春虢公敗犬戎于渭汭犬戎西戎別在中國者渭

水出隴西東入河舟之僑曰無德而祿殃也

殃将至矣遂奔晉舟之僑虢大夫夏吉禘于莊公速

也初公傳奪卜齋田公不禁卜齋魯大夫也公即位年八歲

知愛其傳而遂成其意以奪齋田秋八月辛

丑共仲使卜齋賊公于武闈官中小門成季

以僖公適邾僖公閔公庶兄成風之子共仲奔莒乃入立

之以賂求共仲于莒莒人歸之及密使公子

魚請密魯地琅邪費縣北有密如亭公子魚奚斯也不許哭而往共

仲曰奚斯之聲也乃縊慶父之罪雖重季子推親親之恩欲同之

叔牙存孟氏之族故略其罪不書殺又不書卒閔公哀姜之姊叔姜

之子也故齊人立之共仲通於哀姜哀姜欲

立之閔公之死也哀姜與知之故孫于邾齊

人取而殺之于夷以其尸歸為僖元年齊人殺京姜傳夷魯

地僖公請而葬之哀姜之罪已重而僖公請其喪還者外欲因齊以居

厚内存母子不絕之義為國家之大計成季之將生也桓公使

卜楚丘之父卜之卜楚丘魯掌卜大夫曰男也其名曰

友在公之右在右言用事問于兩社為公室輔兩社

周社亳社兩社之間朝廷執政所在季氏亡則魯不昌又筮之

遇大有䷍之乾䷀乾下離上大有六五變而

為曰同復于父敬如君所筮者之辭也乾為君父離變為乾故

曰同復於父見敬與君同及生有文在其手曰友遂以命

之遂以冬十二月狄人伐衛衛懿公好鶴鶴

有乘軒者軒大夫車將戰國人受甲者皆曰使鶴

鶴實有祿位余焉能戰公與石祁子玦與甯

莊子矢使守莊子甯速也玦玉玦曰以此贊國擇利而

為之贊助也玦示以當決斷矢示以禦難與夫人繡衣曰聽於

二子取其文章順序渠孔御戎子伯為右黃夷前驅

孔嬰齊殿傳言衛侯失民有素雖臨事而戒猶無所及及狄人戰

于熒澤衛師敗績遂滅衛此熒澤當在河北君死國散經不書

滅者狄不能赴衛之君臣皆盡無復文告齊桓為之告諸侯言狄已去言衛之存故但以

入為文衛侯不去其旗是以甚敗狄人囚史華

龍滑與禮孔以逐衛人二人曰我大史也實

掌其祭不先國不可得也夷狄畏鬼故恐言當先白神乃

先之至則告守曰不可待也守石甯二大夫夜與國

人出狄入衛遂從之又敗諸河衛將東走渡河狄復逐而

敗之初惠公之即位也少蓋年十五六齊人使昭伯

烝於宣姜不可強之昭伯惠公庶兄宣公子頑也昭伯不可生

齊子戴公文公宋桓夫人許穆夫人文公為

衛之多患也先適齊及敗宋桓公逆諸河迎衛

敗衆宵濟夜渡畏狄衛之遺民男女七百有三十人

益之以共滕之民為五千人共及滕衛別邑立戴公

以廬于曹廬舍也曹衛下邑戴公名申立其年卒而立文公許穆夫

人賦載馳載馳詩衛風也許穆夫人痛衛之亡思歸唁之不可故作詩以言志

齊侯使公子無虧帥車三百乘甲士三千人

以戍曹無虧齊桓公子武孟也車甲之賦異於常故傳別見之歸公乘

馬祭服五稱牛羊豕雞狗皆三百與門材歸遺

也四馬曰乘衣單複具歸夫人魚軒魚軒失人車以

魚皮重錦三十兩重錦錦之熟細者以二丈為飾雙行故曰兩三十兩三十

匹鄭人惡高克使帥師次于河上久而弗召

師潰而歸高克奔陳高克鄭大夫也好利而不顧其君文公惡之而

不能遠故使鄭人為之賦清人清人詩鄭風也刺文公退

帥師而不召臣不以道危晉侯使大子申生伐東山臯落

氏赤狄別種也臯落其氏族里克諫曰太子奉冢祀社稷

之粢盛里克晉大也夫冢大也以朝夕視君膳也者膳厨

故曰冢子君行則守有守則從從曰撫軍守

曰監國古之制也夫帥師專行謀帥師者必專謀軍事

誓軍旅宣號令也君與國政之所圖也非太子之

事也正國政卿師在制命而已所制稟命則不

威專命則不孝故君之嗣適不可以帥師君

失其官帥師不威將焉用之大子統師是失其官也專命則

不孝是為帥必不威也且臣聞臯落氏將戰君其舍之

公曰寡人有子未知其誰立焉不對而退見

太子太子曰吾其廢乎對曰告之以臨民謂居

曲教之以軍旅調將下軍不共是懼何故廢乎且

子懼不孝無懼弗得立脩已而不責人則免

於難太子帥師公衣之偏衣偏衣左右異色其半似公服

佩之金玦以金為玦狐突御我先友為右狐突伯行重耳

外祖父也為申生御梁餘子養御罕夷先丹申生以天子將上軍

木為右罕夷晉下軍卿也梁餘子養為罕夷御羊舌大夫為尉

羊舌大夫叔向祖父也尉軍尉先友曰衣身之偏偏半也握兵

之要謂佩金玦將上軍在此行也子其勉之偏躬無

慝分身衣之半非惡意也兵要遠災威權在已可以遠害親以無

災又何患焉狐突歎曰時事之徵也歎以先友為不

知君衣身之章也章貴賤佩衷之旗也旗表也所以表

明其故敬其事則命以始賞以春夏服其身則衣

之純必以純色為服用其衷則佩之度衷中也佩玉者士君子常

度今命以時卒閔其事也閔盡之時衣之龙

服遠其躬也龙雜色佩以金玦弃其衷也服以

遠之時以閔之尤凉冬殺金寒玦離胡可恃

也寒凉殺離言無温潤玦如環而缺不連雖欲勉之狄可盡乎

梁餘子養曰帥師者受命於廟受服於社宜服

社之肉盛以服器有常服矣不獲而尤命可知矣弁韋

也服軍之常死而不孝不如逃之罕夷曰尤奇

無常雜色奇怪非常之服金玦不復雖復何為君有心

矣有害大子之心先丹木曰是服也狂夫阻之阻疑也言

雖狂夫猶知有疑曰盡敵而反曰公敵可盡乎雖盡

敵猶有内讒不如違之違去也狐突欲行行亦去也

羊舌大夫曰不可違命不孝弃事不忠雖知

其寒惡不可取子其死之寒薄也太子將戰狐

突諫曰不可昔辛伯諗周桓公諗告也事在桓十八年

云内寵竝后外寵二政嬖子配適大都耦國

亂之本也周公弗從故及於難今亂本成矣

驪姬為内寵二五為外寵奚齊為嬖子曲沃為大都故曰亂本成矣立可必乎

孝而安民子其圖之奉身為孝不戰為安民與其危身

以速罪也有功益見害故言成風聞成季之

繇乃事之成風莊公之妾僖公之而屬僖公

焉故成季立之僖之元年齊桓公遷邢于夷

儀二年封衛于楚丘邢遷如歸衛國忘亡其志

滅亡衛文公大布之衣大帛之冠大布麤布大帛厚繪


諒闇之服蓋用諸侯諒闇之服務才訓農通商惠工加惠於百工

敬教勸學授方任能方百事元年革車三十

乘季年乃三百乘衛文公以此年冬立齊桓公始平魯亂故傳因言齊

之所以霸衛之所由興革車兵車季年在僖二十五年蓋招懷逆散故能致十倍之衆

春秋經傳集解閔公第四



製 複 許 不

NOT TO BE REPRODUCED

東京大学東洋文化研究所